



Դանիել Վարուժան

Վերադարձ

Այս իրիկուն ձեզի կուգանք, ե՛րգ երգելով,
Լուսնակ ճամբով,
Ո՛վ գյուղականեր, գյուղականեր.
Ձեր բակերուն մեջ ամեն
Թող գամփրոներն արթըննան,
Եվ աղբյուրները որեն
Դույլերու մեջ քրքրջան.
Ձեր տոներուն համար դաշտեն՝ մաղերով
Վարդ ենք բերեր՝ խաղերով:

Այս իրիկուն ձեզի կուգանք, սե՛ր երգելով,
Սարի ճամբով,
Ո՛վ հյուղականեր, հյուղականեր.
Եղջյուրներուն դեմ եզին
Թող ա՛լ բացվին ձեր դուռներ,
Թոնիրը մխա, պըսակվին
Կապույտ ծուխով կըտուրներ.
Ահա ձեզի հարսերը՝ նո՛ր մանչերով՝
Կաթ են բերեր՝ փարչերով:

Այս իրիկուն ձեզի կուգանք, հո՛ւյսն երգելով,
Արտի ճամբով,
Ո՛վ մարագներ, մարագներ.

Ձեր պատերուն մեջ խավար
Թող նոր արև նըշողե,
Երդիկներուն վրա դալար
Լուսնակն այլուր թող մաղե.
Ահա ձեզի բերեր են խար՝ խտրձերով
Հարդը՝ անույշ ուրցերով:

Այս իրիկուն ձեզի կուգանք, հա՛ցն երգելով,
Կալի ճամբով,
Ո՛վ ամբարներ, ամբարներ.
Փեր մութ ծոցին մեջ հըսկա
Թող բերկրության շող ցաթի.
Սարդոստայնը ձեր վըրա
Թող ըլլա քող մ'արծաթի.
Ձի բերեր են սայլե՛ր, սայլե՛ր շարքերով
Տորե՛նն՝ հագար պարկերով: